

CONVOCATORIA 2020/2021 PARA PROGRAMAS ERASMUS+ DE MOBILIDADE DE PERSOAL

Presentación:

Pola presente convocatoria, a **Escola Superior de Conservación e Restauración de Bens Culturais de Galicia** presenta a súa oferta de mobilidades de persoal para docencia ou formación no curso 2020/2021, no marco dos seguintes proxectos:

1. KA 103 Países da UE e asociados (mobilidades dispoñibles a centros de Italia, Portugal, Francia, Reino Unido, etc...).
2. Consorcio *CARTES* (mobilidades dispoñibles para Kosovo, Montenegro, Georgia e Cambodia).
3. KA 107 Albania (varias mobilidades dispoñibles, consultar).
4. KA 107 Cambodia (varias mobilidades dispoñibles, consultar).

1. Obxectivos xerais:

- Ampliar as posibilidades de **desenrolo profesional do persoal docente** da Escola Superior de Conservación e Restauración de Bens Culturais de Galicia.
- Internacionalizar o contido dos estudos que ofrece a ESCRBBCCG a través do efecto multiplicador que exercerá a **experiencia internacional dos profesores**, ademáis de ampliar e enriquecer o abanico de cursos impartidos.
- Fomentar o **intercambio de coñecementos** técnicos e experiencias sobre métodos pedagóxicos.
- Consolidar os vínculos entre os centros con las que se manteñen convenios e crear **novas relacións institucionais**.



2. Obxectivos específicos:

Os proxectos de mobilidade vixentes contemplan a posibilidade de desplazarse a unha **institución de ensinanza superior** que dispoña de carta Erasmus co obxectivo de, ou ben impartir docencia en asignaturas ou cursos que formen parte do programa de estudos no centro de acollida, ou ben recabar información e formación acerca do seu modelo educativo, estratexias pedagóxicas, e desenrolo dos estudos.

Por outra banda, se contempla a visita a **institucións, centros de investigación ou empresas** que leven a cabo actividades no eido da conservación do patrimonio cultural co obxectivo de establecer relacións de cooperación ou alianzas estratexicas que supoñan posibilidades de formación tanto do persoal da ESCRBCCG como de docentes ou técnicos dos centros de destino.

3. Beneficiarios:

As mobilidades están dirixidas a calquera membro do personal da Escola Superior de Conservación e Restauración de Bens Culturais de Galicia.

4. Criterios de selección:

Darase preferencia as **primeiras participacións**, así como as solicitudes para mobilidades que permitan acadar novos materiais didácticos e/ou que fomenten a consolidación ou a **ampliación dos existentes vínculos e/ou proxectos en colaboración** con outros centros, así como o establecemento de futuros proxectos de colaboración e intercambio académico cos centros de destino.

A idoneidade dos **perfis docentes por especialidade** será tamén tido en conta, en función da natureza ou necesidades de cada proxecto, así como o **coñecemento do idioma**. En xeral, será tido en conta que as mobilidades supoñan establecer posibilidades a nivel de **desenvolvemento e mellora da actividade formativa** da ESCRBCCG.

5. Xestión/tramitación:

A xestión das activades das mobilidades docentes levaráse a cabo pola Comisión de mobilidade da ESCRBBCCG e polo equipo directivo nos casos en que corresponda.

6. Procedemento e solicitude:

- Informárase vía Email ou reunión da **disponibilidade de mobilidades** para cada un dos proxectos, en función das necesidades e medios disponibles.
- Os candidatos deberán comunicar a Coordinación Erasmus+ o seu interese por escrito, achegando o formulario de solicitude de mobilidade docente.
- A petición segundo o modelo de formulario de solicitude deberá acompañarse dunha **proposta ou programación docente ou programa de actividades** a levar a cabo no centro de acollida segundo o **formulario de proposta docente**.
- Finalizada a mobilidade, o beneficiario deberá redactar un informe respecto aos contidos e actividades desenrolados durante a mesma, segundo o modelo que se adxuntará a presente convocatoria.

A Comisión de mobilidade resolverá comunicando por escrito os interesados, en función dos criterios de concesión e a capacidade presupuestaria. As mobilidades adxudicadas se publicarán na web da ESCRBCG.

OBSERVACIÓNS

No caso de que un solicitante forme parte da propia Comisión de mobilidade da ESCRBBCCG, para o proceso de selección un membro do equipo directivo tomará parte no seu lugar.